

PEMBERITAHU PERTANYAAN DEWAN RAKYAT

PERTANYAAN : LISAN

DARIPADA : Y.B. DATO' KAMARUL BAHRIN BIN
ABBAS [TELOK KEMANG]

TARIKH : 02.11.2016

SOALAN :

Dato' Kamarul Baharin bin Abbas [Telok Kemang] minta **MENTERI PENDIDIKAN** menyatakan :-

- (a) penjelasan terhadap polisi Kementerian berkaitan tugasan hakiki guru sebagai seorang pendidik yang kini terpaksa menjalankan tugas-tugas pengkeranian pada waktu persekolahan dan juga diluar daripada waktu persekolahan; dan
- (b) rancangan Kementerian untuk menangani isu ini dalam tempoh jangka masa pendek dan panjang.

JAWAPAN

Tuan Yang di-Pertua,

- (a) Kementerian Pendidikan Malaysia (KPM) sentiasa prihatin terhadap isu kompleksiti tugas guru. Kajian yang dijalankan oleh KPM pada tahun 2006, 2010, 2012, 2015, dan Inisiatif dalam NBOS ke-8 serta Laporan Kebangsaan Pemeriksaan Sekolah 2015 telah menemukan pelbagai perkara yang dirumuskan sebagai punca wujudnya kompleksiti tugas guru. Dapatan kajian tersebut menyatakan, kompleksiti tuga guru membawa maksud

PELBAGAI TUGAS RENCAM termasuk tugasan perkeranian yang dilakukan oleh guru, sehingga menjelaskan masa berkualiti bagi melaksanakan proses pengajaran dan pembelajaran, serta amalan profesionalisme keguruan.

- (b) Untuk makluman Ahli Yang Berhormat, antara langkah-langkah yang telah, sedang dan akan dilakukan oleh KPM bagi menangani kompleksiti tugas guru ini adalah:
1. Memastikan pengurusan di peringkat kementerian, negeri, daerah dan sekolah memahami dan mematuhi semua pekeliling serta surat siaran berkaitan yang sedang berkuat kuasa;
 2. Mengurangkan amalan penyediaan sambutan yang berlebih-lebihan khususnya di peringkat sekolah sehingga menjelaskan masa pengajaran dan pembelajaran murid;
 3. Kepimpinan sekolah yang berkesan diperkasakan melalui program *National Professional Qualification For Educational Leaders* (NPQEL);
 4. Memastikan pemantauan amalan melindungi masa instruksional (MMI) dilaksanakan sewajarnya;
 5. Pemerkasaan pengintergrasian data melalui inisiatif *single sign on* (SSO). Langkah ini akan memastikan guru-guru tidak perlu menggunakan pelbagai sistem untuk merekod data; dan

6. Di bawah inisiatif PPPM 2013-2025: Piagam Guru, KPM sedang membangunkan Deskripsi Tugas Pegawai Perkhidmatan Pendidikan (PPP) yang menerangkan peranan dan tugas PPP mengikut gred yang disandang berdasarkan laluan kerjaya termasuk guru-guru di sekolah.

RJM28

PARLIMEN MALAYSIA

PEMBERITAHU PERTANYAAN DEWAN RAKYAT

PERTANYAAN : LISAN

DARIPADA : Tuan Haji Ahmad Lai bin Bujang

[Sibuti]

TARIKH : 2 November 2016

SOALAN : Tuan Haji Ahmad Lai bin Bujang
minta MENTERI PERTANIAN DAN
INDUSTRI ASAS TANI menyatakan
apakah perkembangan Program MyBeras
yang diumumkan oleh Perdana Menteri
dan setakat ini berapakah jumlah
permohonan MyBeras yang diluluskan bagi
negeri Sarawak dan permohonan bagi
Parlimen Sibuti.

JAWAPAN

Tuan Yang Dipertua,

Program MyBeras telah dibatalkan dan edaran beras yang telah dilaksanakan di beberapa tempat pada peringkat awal adalah merupakan mekanisme pengujian pengedaran bagi menilai keberkesanan program yang akan dijalankan. Program ini tidak diteruskan kerana terdapat keperluan untuk mengkaji dan melaksanakan penambahbaikan mekanisme pengedaran beras termasuk senarai penerima bantuan.

Berdasarkan rekod, terdapat 27,785 Ketua Isi Rumah (KIR) dari negeri Sarawak yang telah diluluskan dalam program ini. Bagi Parlimen Sibuti pula seramai 569 KIR telah diluluskan dalam program ini.